

ՇՆՈՐՀԱՎՈՐԱԿԱՆ ՈՒՂԵՐՁ

ԱՐԱՐԱՏ ԽՈՇՈՐԱՑՎԱԾ ՀԱՄԱՅՆՔԻ ՂԵԿԱՎԱՐ ԱՍԼԱՆ
ԱՎԵՏԻՍՅԱՆԻ՝ ՌԻՍՈՒՑՁԻ ՏՈՆԻ ԱՌԹԻՎ

Սիրելի՛ և հարգարժա՛ն ուսուցիչներ,
Սրտանց շնորհավորում եմ ձեզ մասնագիտական այս գեղեցիկ
տոնի՝ Ուսուցչի օրվա առթիվ:

Այսօր բոլորս մեր երախտագիտության ու մեծարանքի խոսքն ենք
ուզում ուղղել ձեզ, կրթության ու դաստիարակության ձեր
հայրենանվեր և մեծ հարգանքի արժանի աշխատանքի համար:

Տոնի առթիվ առանձնակի ուզում եմ շնորհավորել նաև
վաստակած հանգստի անցած մեր ավագ սերնդի
մանկավարժներին, ովքեր շարունակում են անգնահատելի
խորհուրդներով և բազմամյա փորձով նպաստել մեր ապագա
սերունդների կրթման կարևորագույն գործին:

Այսօր մեր երկրի ապագան նույնպես մեծապես կախված է
ուսուցչի ամենօրյա տքնաջան և սրտացավ աշխատանքից,
նրանից, թե ինչպես եք դուք այսօր իրականացնում այդ
չափազանց կարևոր առաքելությունը: Շարունակեք ձեր վեհ
առաքելությունը այն գիտակցումով, որ ձեր տված գիտելիքն է
դառնալու առաջնորդող ուժ՝ մտածելու և արարելու համար ի
բարօրություն մեր հայրենիքի և մեր սիրելի համայնքի:

Սիրելի ուսուցիչներ, ցանկանում եմ, որ ձեր փորձն ու
ունակությունները միայն ու միայն խաղաղ պայմաններում
փոխանցեք մեր աշակերտներին: Անսպառ ուժ ու եռանդ ձեզ:

Եղե՛ք առողջ և միշտ գնահատված:

Շնորհավո՛ր տոնդ, ուսուցիչ:

ՀԱՄԱՅՆՔԻ ՂԵԿԱՎԱՐ՝



ԱՍԼԱՆ ԱՎԵՏԻՍՅԱՆ